

Mensahe 9

Walay Hari ang Mga Anak sa Israel ug Nagbuhat ang Tagsatagsa ka Tawo sa Matarong sa Kaugalingon Niyang Panan-aw

Basahong Kasulatan: Huk. 2:10-18; 3:7-15; 8:33-35; 10:6-7; 13:1; 17:5-6; 18:1, 30-31; 19:1; 21:25

I. Sa pagkadaot sa Israel nagkagubot sila sa pangagamhanan, pagsimba, ug moralidad—Huk. 3:7-15; 8:33-35; 13:1; 17:5-6; 18:30-31:

- A. Sa napanag-iya na sa mga anak sa Israel ang yuta nga ilang panulundon, wala sila motuman sa gisugo sa Dios nga hingpit nga papahawaon ug laglagon ang pito ka banay nga namuyo sa Canaan—1:27-36.
- B. Tungod niana, nialagad ang mga anak sa Israel sa ilang mga dios, ug sa ingon niana nagbuhat og daotan sa panan-aw sa Ginoo—2:10-18.
- C. Gisalikway sa mga anak sa Israel ang Ginoong Dios sa ilang mga amahan, nga nagkuha nila gikan sa yuta sa Egipto, ug nisunod sila sa mga dios sa katawhang naglibot nila; niyukbo sila niini ug gihagit nila si Jehova sa pagkasuko—10:6-7.
- D. Gitugyan sila sa Dios sa mga kamot sa mga mangangagaw, ug gibaligya Niya sila sa mga kamot sa ilang mga kaaway mao nga wala na sila makatindog; matag panahon nga manggula sila, batok nila ang kamot sa Ginoo alang sa kadaotan—2:11-15.
- E. Maisip nga kinangitngitang panahon sa kasaysayan sa Israel ang panahon sa mga maghuhukom; panahon sab kini sa makalilisang nga hitabo.
- F. Niadtong panahona, diha sa mga anak sa Israel dunay mga pagsupil batok sa Dios, pagsimbag mga diosdios (cap. 17—18), panag-away sa ilang taliwala (cap. 9), pagbatokay ug pagsumpakiay tali sa mga banay (cap. 20—21), pakighilawas (cap. 19), kahugaw, mabangis nga pagpamatay, ug tanang klase sa daotang buhat.

II. “Walay hari sa Israel niadtong mga adlaw; nagbuhat ang tagsatagsa ka tawo sa matarong sa kaugalingon niyang panan-aw”—21:25:

- A. Sa pag-ingon sa katawhan sa Israel nga walay hari sa ilang taliwala, nagpasabot kini nga giwala nila ang Dios ug ang pagkabutang Niya ug wala moila sa pagkahari sa Dios—17:6; 18:1; 19:1.
- B. Bisan naa sa Shilo ang tabernaculo sa Dios ug dunay Urim ug Thummim ang labawng sacerdote, walay pangagamhanan, walay administrasyon, sa Israel kay giwala man sa Israel ang Dios ug ang pagkabutang Niya ingon nga Hari nila, ug tungod niana, walay pagpadayag sa Dios sa Mga Maghuhukom—18:31; Exo. 28:30, nota 1.
- C. Kay wala may hari sa Israel sa panahon sa mga maghuhukom, gibuhat sa mga anak sa Israel ang matarong sa kaugalingon nilang panan-aw, ug tungod niana nadunot ug nadaot sila—Huk. 17:6; 18:1; 19:1; 21:25:
 - 1. Gisultian ni Moises ang katawhan sa Israel nga inigsulod nila sa maayong yuta, dili gyod sila mobuhat og mga butang nga matarong sa kaugalingon nilang panan-aw apan dili matarong sa panan-aw sa Dios—Deut. 12:8-14.
 - 2. Gipabuhat ni Satanas ang katawhan sa Israel sa matarong sa kaugalingon nilang panan-aw, gihimo silang malapason ug walay Dios, ug wala magpapgong sa Dios; gipadayag kini sa Mga Maghuhukom 17—18; 19:1; ug 21:25.
 - 3. Sagad nga niingon ang mga Cristohanon karon nga alang nila husto o sayop ba ang unsang butang; ang pagkinabuhi sa ingon niini pagbuhat man sa matarong sa kaugalingon natong panan-aw.

4. Makalilisang kanang mobuhat ta sa matarong sa kaugalingon natong panan-aw; buhaton gyod nato ang matarong sa panan-aw sa Dios—Deut. 12:8.
- D. Sa dihang walay hari sa Israel, walay pagbulot-an, ug nagbuhat lang ang mga tawo sa gikahimut-an nila; kini gyod ang kahimtang sa mga butang sa daotang panahon karon, sa kalibotan ug sa Cristianidad nga relihiyosong sistema—Efe. 2:2, 12.
- E. Sa pahiuili sa Ginoo kinahanglan gyod tang maluwas sa pagkamalapasong gipakita sa Mga Maghuhukom ug magkinabuhi nga magpabuot sa Dios diha sa gingharian sa Dios ug magbuhat sa kabubut-on sa Dios—Tito 2:14; Gal. 1:4; Mat. 6:10.

III. Ang Dios mao ang Hari sa kapanahonan, ang dunay bug-os nga pagbulot-an hangtod sa eternidad, nga dili gyod mausab—1 Tim. 1:17:

- A. Ang Dios nga atong gituohan ug gialagaran ug gipaambit kanato mao ang Hari sa kapanahonan, ang Hari sa eternidad—v. 17; 2 Cor. 13:14.
- B. Gipanganak si Cristo aron mahimong Hari, ang Magbubuot nga moatiman sa katawhan sa Dios, ug Siya karon ang Hari sa mga hari ug ang Ginoo sa mga ginoo—Mat. 2:2, 6; Bug. 19:16; 17:14:
 1. Isip Hari, si Cristo mao si Jehova nga Dios, ug tawo sab Siya—Sal. 24:8, 10.
 2. Makaamgo gyod unta ta nga si Cristo ang atong Hari nga naghari sa atong kasingkasing ug makaila sa pagkahari ni Cristo diha sa mga iglesia lokal, nga gikinabuhian nato ubos sa Iyang pagkahari—Efe. 3:17; 1 Tim. 3:15; 6:15.
 3. Moanhi si Cristo ingon nga Hari sa himaya—si Jehova sa mga panon, ang nahingpit nga Tulo-usang Dios nga gipakalawas diha sa madaogon ug mabot nga Cristo, nga maghari sa walay kataposang gingharian sa Dios—Sal. 24:7-10.
 4. Ang pagbuot ni Cristo sa trono ni David sa Iyang gingharian mahitabo una sa millennium ug unya sa bag-ong langit ug bag-ong yuta sa eternidad—Isa. 9:7; Luc. 1:33, nota 1.
 5. “Establisaron dayon ang trono diha sa mahigugmaong-kalulot, / Ug dunay Usa nga molingkod niini sa kamatuoran / Diha sa tolda ni David”—Isa. 16:5:
 - a. Ang paghari ni Cristo sa tolda ni David nagtimaan og paghupay, pagdasig, ug pagpahiuli.
 - b. Establisaron ang trono ni Cristo diha sa mahigugmaong-kalulot, malumong pagbati, ug molingkod Siya sa Iyang trono sa kamatuoran, sa ato pa, sa pagkamatinud-anon ug pagkamatinumanon—v. 5.
 - c. Kon paharion nato si Cristo sa sulod nato, nga magpadangat sa gingharian uban sa mahigugmaong-kalulot, pagkamatinud-anon, pagkamatinumanon, hustisya, ug pagkamatarong, masama ta Niya ning maayong kagawian—v. 5.

IV. Kinahanglan gyod tang maluwas sa pagkamalapason ug sa pagkamamu-muhat og pagkamalapason ug magbuhat sa matarong sa panan-aw sa Dios sa pagtuman nato sa prinsipyo sa pag-alagad sa Dios—Tito 2:14; Mat. 7:21-23:

- A. Pagkamalapason ang pagbuhat sa matarong sa kaugalingon natong panan-aw—Huk. 21:25:
 1. “Ang sala pagkamalapason man”; busa, sala ang pagkamalapason, o, kon balihon, pagkamalapason ang sala—1 Juan 3:4:

- a. Sa 1 Juan 3:4 ang “pagkamalapason,” o pagkawalay kasugoan, nagpasabot og wala sa prinsipyo sa pagbuot sa Dios sa tawo.
 - b. Pagkawalay kasugoan, paglapas sa kasugoan, ang pagpakasala.
 - c. Sa panan-aw sa Dios, makasala ang tawo kon mobuhat siya uyon sa kaugalingon niyang kinaiya ug pagtimbangtimbang, paggawi uyon sa kaugalingong-pagbuot, ug pagsupil batok sa pagbulot-an sa Dios.
 - d. Ang pagkamalapason dili man pag-ila ug pagpasakop sa pagbulot-an sa Dios.
 - e. Ang pagbatasan sa pagkamalapason pagkinabuhi man nga wala sa prinsipyo sa pagbuot sa Dios sa tawo; puno sa pagkamalapason ug pagsupil ang panahon karon.
 - f. Sa pagkamalapason dili lang nga nisupil ang tawo sa pagbulot-an kondili nagbuhat sab nga morag walay kasugoan kun balaod.
2. Aron maputli alang sa Iyang Kaugalingon ang talagsaong katawhan nga bugtong-talagsaong katigayonan Niya, gihatag ni Cristo ang Iyang Kaugalingon alang nato aron matubos ta gikan sa tanang pagkamalapason—Tito 2:14.
- B. “Dili ang tanang moingon Nako, Ginoo, Ginoo, makasulod sa gingharian sa mga langit, kondili siya nga nagbuhat sa kabubut-on sa Akong Amahan nga naa sa mga langit”—Mat. 7:21:
1. Igo nang makaluwas nato ang pagtawag sa Ginoo, apan aron makasulod sa gingharian sa mga langit, buhaton sab gyod nato ang kabubut-on sa langitnong Amahan—Rom. 10:13; 12:2; Mat. 12:50; Efe. 5:17; Col. 1:9.
 2. Kay nagkinahanglan man ang pagsulod sa gingharian sa mga langit sa pagbuhat sa kabubut-on sa langitnong Amahan, tataw gyong lahi kini sa pagsulod sa gingharian sa Dios pinaagi sa pag-anak pag-usab—Juan 3:3, 5:
 - a. Pinaagi sa pag-anak sa diosnong kinabuhi ang pagsulod sa gingharian sa Dios—1:12-13; 3:5-6.
 - b. Pinaagi sa pagkinabuhi sa diosnong kinabuhi ang pagsulod sa gingharian sa mga langit—Mat. 7:21; 12:50.
- C. Gibadlong ni Ginoong Jesus ang mga nanagna, nanghingilin og mga demonyo, ug nagbuhat og mga buhat sa gahom sa Iyang ngalan kay, isip “mga mamumuhat og pagkamalapason,” gibuhat nila kining mga butanga sa ilang kaugalingon, dili sa pagtuman sa kabubut-on sa Dios—7:23:
1. Dunay duha ka prinsipyo sa uniberso—ang prinsipyo sa pagbulot-an sa Dios ug ang prinsipyo sa pagsupil ni Satanas—Buh. 1:7; Isa. 14:13-14:
 - a. Dili ta makaalagad sa Dios sa usa ka bahin ug mosunod sa paagi sa pagsupil sa laing bahin; biyaan gyod nato ang prinsipyo sa pagkamalapason ug isalikway ang paagi sa pagsupil—Mat. 28:18; Jud. 11.
 - b. Direktang nadugtong sa pagbulot-an sa Dios ang pag-alagad Kaniya; kon dili nato sulbaron ang kalabot sa pagbulot-an, magkaproblema gyod ta sa tanang bahin sa atong pag-alagad.
 2. Ampingan unta sa Ginoo ang atong pag-alagad diha sa prinsipyo sa pagpasakop sa pagbulot-an sa Dios ug sa kabubut-on sa Amahan—Buh. 1:7; Mat. 7:21; 12:50.

V. Nagpakita sa satanasnong kagubot sa daang kabuhatan ang kagubot sa pangagamhanan, pagsimba, ug moralidad nga nasulat sa basahon sa Mga Maghuhukom—Gen. 3:1-5; Bug. 20:10—21:4:

- A. Nagkagubot ang uniberso; kining kagubota ang tinubdan sa pag-antos sa kalibotan karon, ug basta dunay kagubot sa kabuhatan, duna gyoy mga pag-antos sa kalibotan—Rom. 8:18-22.

- B. Kasaysayan sa pamatigayon sa Dios ug sa kagubot ni Satanas ang kasaysayan sa uniberso—Gen. 1:1-2, 26; Bug. 20:10—21:4:
1. Si Satanas, nga yawa, maoy tinubdan ug elemento sa daotang kagubot—Mat. 16:23; Bug. 2:9-10; 2 Cor. 2:11; 1 Ped. 5:8.
 2. Ang Dios mismo mao ang diosnong pamatigayon, ug nisulod na Siya kanato ingog administrasyon, pagpahaluna, ug plano aron mahapsay ang tanan—Efe. 1:10; 3:10.
 3. Sa Biblia ug sa kasinatian nato, ninunot gyod kanunay sa diosnong pamatigayon ang satanasnong kagubot ug sa pagkatinuod nakatabang man sa pamatigayon sa Dios—v. 9.
- C. Isip mga tawong nabuhi taliwala sa kagubot, pagsupil, ug pagkamalapason, kinahanglan duna tay tin-awng panan-awon sa pamatigayon sa Dios—Sal. 2:1-6; Prov. 29:18; Efe. 3:9:
1. Kinahanglan gyod tang madumalahan, makontrol, ug magiyahan ning panan-awona—Buh. 26:19.
 2. Kinahanglan gyod tang magmalig-on ug dili matarog diha sa panan-awon sa pamatigayon sa Dios, sa walay kataposang kabubut-on sa Dios—Efe. 1:10; 3:9; Bug. 4:11; 1 Cor. 15:58; Heb. 12:28.
- D. Gibuntog sa mga mananaog ang satanasnong kagubot sa daang kabuhatan ug gituman ang diosnong pamatigayon alang sa bag-ong kabuhatan—1 Tim. 1:4; Efe. 1:10; 3:9-10; 2 Cor. 5:17; Gal. 6:15:
1. Wala ipahigawas ang mga mananaog gikan sa satanasnong kagubot; gibuntog hinuon nila ang makaguba nga satanasnong kagubot ug nidaog diha sa makatukod nga diosnong pamatigayon—1 Tim. 1:3-4, 19-20; 4:1-2; Tito 3:10; 2 Tim. 1:15; 4:8.
 2. Samtang nag-antos sa kagubot ang mga mananaog, “[gigamhan sila] diha sa grasya nga naa ni Cristo Jesus” (2:1) ug nakabarog alang sa diosnong pamatigayon ug gikinabuhi kini—1:10-15; 3:14-17; 4:2, 5, 7, 18.